

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL HEADQUARTER OF CIVIL PROTECTION

Broj: 12- 40-6-148-56/20
Sarajevo, 26.03.2020. godine

Na osnovu člana 108. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), te člana 18. Poslovnika o radu Federalnog štaba civilne zaštite br. 11-49/1-483-3/11 od 26.10.2011 godine i 12-02/10-542-4/17 od 04.10.2017. godine i Odluke Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije BiH, V. broj 408/2020 od 16.03.2020. godine, Federalni štab civilne zaštite, donosi

N A R E D B U

1. Naređuje se Zavodu za javno zdravstvo Federacije BiH da hitno pripremi epidemiološki izvještaj i isti dostavi Federalnom ministarstvu zdravstva radi donošenja rješenja o stavljanju u karantin i određivanju prostora za karantin povodom najavljenog dolaska čarter leta iz Rima, planiranog za 27. 3. 2020. godine na Međunarodni aerodrom Sarajevo.
2. Naređuje se JP Međunarodni aerodrom Sarajevo da poduzme sve higijensko-epidemiološke mjere dezinfekcije prtljaga odmah nakon istovara iz aviona.
3. Traži se od Granične policije Bosne i Hercegovine da poduzme sve mjere iz svoje nadležnosti kako bi se obezbijedilo što kraće zadržavanje putnika na JP Međunarodni aerodrom Sarajevo, uz poštivanje svih preventivnih mjera i mjera dezinfekcije u skladu s prethodnim naredbama.
4. Zadužuje se Federalna uprava civilne zaštite da obezbijedi prevoz putnika i prtljaga nakon završene procedure na aerodromu do mjesta određenog za karantin.
5. Mjere izolacije će biti izrečene od strane federalnog sanitarnog inspektora.
6. Za provođenje ove naredbe odgovorno je JP Međunarodni aerodrom Sarajevo, Kantonalno ministarstvo unutrašnjih poslova Kantona Sarajevo, Zavod za javno zdravstvo Federacije BiH, Zavod za javno zdravstvo Kantona Sarajevo, Federalno ministarstvo zdravstva i Federalna uprava za inspekcijske poslove.